

職方典第八百九十六卷

臨江府部彙考六

臨江府風俗考

通志

府屬

舊志文風最盛是爲劉孔之鄉民俗淳龐易奏龔黃之績

君子尙禮教畏清議崇德齒矜

名檢小人安居而樂業勤力而知分

嘉靖郡志民性儉嗇負氣勤苦作業地狹而庶仰食旁郡或棄農業遠服賈矣

隆慶郡志故鮮訟今稍好爭故勤嗇今稍宴惰故知分今稍陵越尊卑倒置有之而崇儉好禮文之風僅僅不替彼前志所載疇克盡復之哉

臨江府祠廟考

通志

本府 清江縣附郭

社稷壇在府城朝天門外春秋二仲月上戊日致祭

風雲雷雨山川壇在府城南門外春

秋二仲月上巳日致祭

郡厲壇在西城門外

里社壇在各鄉

鄉厲壇各縣鄉保

俱有多至數百少亦不下數十

城隍廟在府治南

旗纛廟在府治北

褒忠祠在

府城朝天門外祀宋死事知臨江軍州陳元桂賜額褒忠歲久廢明正德間提學李夢陽重修以宋清江令趙孟濟配享嘉靖七年知府錢琦復修益以死事宋知軍鮑廉並祭都御史泰和歐陽鐸按察司副使郡人龔守愚俱有記

戴公祠祀知府戴德儒

馬公祠在府治東

祀知府馬文升

練公祠在城東北蕪林書院左久廢

文相國祠在府學右巡按都御

史謝杰建中爲明德堂祀信國公復祀謝廷袞爲清江教諭中丞父也

朱文公祠在府學

後宋寶祐中建祀朱熹及清江張洽以黃勉齋配享後改爲驛舊刻公及張公二像石碑今移

置府學內

文昌閣舊在縣學左明天啟乙丑燬于火縣令盧兆龍改建育賢門外

關

帝廟在天寧寺左

劉公廟有二一在朝天門內一在朝天門外祀劉天祐元末戍卒舉義

兵不克而死

江東廟在富壽岡元延祐初萬戶楊重明領兵討蔡五九兵次蕭灘一夕忽

聞兵甲聲驚問左右皆駭不能對或語之曰江東神也於是所向克捷還立廟祀之

施侯

廟在郡治南今廢

梁昭明太子廟在縣東舊志武帝經此葬昭明有廟

順濟龍王廟

在朝天坊采巡檢馬勉之建

雷廟在縣北白牛岡上明嘉靖間置郡別駕金本陶禱雨立

應有詩記其事立碑祠中

東嶽行宮在縣西城外宋嘉定中重建郡人徐得之記

仰

山孚會行宮在城南舊碑外不可讀仰山袁州山也祠在宜春宋淳熙中郡守沈銑以旱遣官

禱神立雨因建行祠

張中丞廟有二一在南門外一在東門外祀唐張巡廟門外有石人

跪立俗名石人廟

嘉應侯廟相傳神姓張淮陰人封顯慶東平王廟在清波門外今廢

蜀三聖廟在縣治北舊傳神卽清源真君梓潼帝君射洪縣神

聶公廟在清江鎮宋慶元

中建公名友吳丹陽太守嘗逐鹿至鎮射樟樹滅妖沒而神威有赫邑人立廟祀之

晏公

廟在府治東北三十里清江鎮舊傳本鎮人名戊仔元初爲文錦局堂長因病歸登舟卽尸解

人以爲神立廟祀之有靈顯于江湖明封平浪侯

新淦縣

社稷壇

風雲雷雨山川壇

邑厲壇俱在郭外

鄉社壇在各鄉

鄉厲壇在各

鄉

城隍廟在城內

孝通廟在縣南八十里峽江鎮相傳秦時有溫媼經程溪得巨卵

藏之生七龍放之江媼或至江日龍輒獻嘉魚若祭焉媼死葬程溪將圯一夕雷電遷之高岡

鄉人爲立祠唐賜額曰孝通

蕭公廟在縣北四十里大洋洲宋咸淳間邑人蕭伯軒死爲

神民爲立廟元時以其子祥叔合祀焉明永樂中其孫天任卒屢著靈異亦祀于此詔封爲水

府靈通廣濟顯應英佑侯

峽江縣

社稷壇

風雲雷雨山川壇

邑屬壇俱在郭外

鄉社壇在各鄉

鄉厲壇在各

鄉

城隍廟在城內

周瑜廟在峽江鎮故巴丘縣按吳志周瑜嘗定豫章廬陵留鎮巴

丘故後人立廟祀之

新喻縣

社稷壇

風雲雷雨山川壇

邑屬壇俱在郭外

鄉社壇在各鄉

鄉厲壇在各

鄉

先賢祠在縣學祀宋李諡劉敞劉攽蕭固楊獬李大有蕭燧謝諤章穎巖時亨諸先賢

寺觀附

本府 清江縣附郭

天寧寺在府學左唐以前名興化咸通中韋宙改建更名鐵佛寺宋曰天寧萬壽寺紹興中改報恩光孝元末燬于兵明初郡守劉貞重建內置僧綱司正統十年勅賜袈裟及藏經尋燬今袈裟勅書尙存 慧力寺在府城南二里瀕江卽唐歐陽處士宅寺始南唐盛於宋崇仁殿說書王雱尙書章穎皆有記明洪武間重修時有僧黃半閒召至京賦金陵春曉詩稱旨賜袈裟歸嘉靖戊午燬萬曆間重修按寺自宋及明初最盛有第一山萬松關半山亭松風亭江月亭觀空閣挹清門白蓮池讀書臺會心亭皆環列山之前後又有古松數百株夾道直接城南郭門號引路松今并無存者 廣壽寺在府城崇德坊明嘉靖辛酉燬分守陳大賓相其地

吉改遷學寺今改南門內

報恩寺在金池坊爲烈女謝小娥立明弘治十二年改爲公館

百華寺在府城東一里左有讀書臺舊有僧會司今廢

迴龍寺在城東北五里江水東流

至此稍折當其衝故名

禪林寺在城東今廢

石溪龍居院在府學左卽唐盧肇讀書

臺唐宰相裴休嘗爲書額元至正間燬明洪武甲子重建

南峯禪院在縣南二里有銅鐘

五代時天祐三年鑄

東山永壽禪院在縣東三里南唐保大中建額曰東山宋咸平中改

今名

承天宮卽梅子真故宅在洞天山玉澗之上漢時爲玉梁觀唐景雲中嘗遣使建醮

祝釐于此宋改爲承天觀元至元年間詔加萬壽承天宮

紫霞宮在今城隍廟左晉爲紫

霞堂元改爲宮明正統間重建

崇真宮在閭阜山東峯之麓初名靈仙館唐改閭阜觀南

唐改曰元都宋政和中改賜今名易觀爲宮

新淦縣

祥符觀在縣治南宋有道士何得一徽宗曾召見

峽江縣

蕭山寺在縣西七都黃源梁天監中侍郎蕭子雲結庵隱居煉丹修道之所立碑創刹有流觴

曲水飲馬芳池海棠洞蹴毬場丹井石筍諸勝宋淳熙中朝散郎謝盤爲記

頂山寺在縣

西八都

新喻縣

建興寺在縣東北卽大佛寺今爲習儀祝釐之所

崇慶寺在縣西門外明洪武正統間重

建黃陂院在縣東寶屏山下

仙馭觀在縣東二里舊名白鶴今置道會司

臨江府驛遞考

通志

清江縣

蕭灘驛在萬勝門外今廢

清江遞運所在清波門外

新淦縣

金川驛在縣治北今廢

峽江縣

螺川遞運所在府治南

新喻縣

羅溪驛舊在縣東四十里羅坊市今遷猴山下

驛站項下除康熙八年裁減外

原額連受協走遞人夫三百四十七名差馬一百二十五匹原編驛站各款共銀一萬五千三百九十三兩九錢七分內已設復存設支解銀一萬二千三百一十五兩一錢七分六釐見候復還補足原額銀三千七十八兩七錢九分四釐

臨江府兵制考

通志

本府

樟樹營駐防清江縣樟樹鎮

原額經制守備一員把總一員馬步戰守兵丁三百名今奉

文新定經制止留馬步戰守兵丁二百名

臨江府物產考

通志

食貨屬

香橙橙亦橘屬似柚而香葉有兩刻角是也其形圓大于橘皮厚而皺甘亦可食

柑樹葉

類橘而實圓大倍之有蜜團金柑等類皺皮者佳

柿有數種曰黃柿曰朱柿曰火毬柿

乾者謂之烏柿日乾者謂之白柿又一種差小謂之軟棗其味甚甘土人又謂之牛乳柿

茶芽 煤炭峽江新喻出 石炭峽江新喻出 石青一名石綠一名青碌畫工呼爲

碧青醫家亦用瘳風疾 野鷄爾雅曰鷄天鷄是也 鷺鷥似鶴色青頂微紅 翎毛

雜色皮各縣出 銅新喻出 苧布 葛布

臨江府古蹟考

明一統志通志合載

本府 清江縣附郭

樊城在府治西北三十里修德鄉相傳有樊將軍居此故以爲名 都尉城在府東三十里

漢豫章都尉治于此 新淦故城在府東六十里漢時縣治此王莽改曰偶亭東漢復舊隋

移今治城遂廢 吳城在府治西三十里其地有敵樓衝敵樓吳王廟或曰卽新喻廢吳平

縣一在西南三十五里近棲梧山實字記云卽廢治平縣 盧城在府治東北五里修德鄉

相傳城爲盧府君建故祠祀之 鍾山府城在虎瞰山隋大業初置尋廢唐天授初又移臨

梁館于錦鍾山府之舊地今爲縣學 瓦城在府城東北四十里五代時鄉豪築以自保

風義堡在府城西南相傳唐宋清江婦魯氏者抱長子攜幼子走避寇遇寇寇怪其不抱幼子婦曰幼子妾所生長子前室所生故爾寇義而厚遺之使去後人因名其地曰風義堡 劉

氏墨莊宋劉清之五世祖式有書數千卷夫人陳氏指以語諸子曰此乃父所謂墨莊也中更變亂書散不存至清之之父悉力營購始復其舊朱熹爲之記 御書秀溪宋兵部侍郎曾

宏迪別墅理宗親書秀溪二大字賜之刻于石上 御書蘇林向子諱卜築處宋高宗嘗書

此二字賜之石刻舊在郡東門外明永樂中郡守劉翼移置郡學 覽勝亭在府治南石溪

寺右唐盧肇題此覽山水之勝作亭表之 吸川亭在府治宋時判官廳面臨大江稱奇觀

清江碧嶂亭在府治圃中宋時建 魁星亭在府學內面閭阜諸峯如玉立然 觀瀾亭

在舊府學內 霽月亭在府治內 化棧亭在縣東三十里許清江鎮陶侃漁於雷澤得

織棧掛壁間一日雷電棧化龍而去後人因作亭陶母墓前明洪武初重修張九韶記之

願豐亭在縣南濱江舊名四望宋高斯從改今名取杜甫憂國願年豐之句 秀江亭在縣

南濱江宋隱者吳元叔建黃庭堅訪之有詩 景疏亭在縣西一十里宋歐陽國華致仕歸

景慕二疏而作學士徐君平記

兩耆亭在縣學西朱文公守長沙道經于此與謝謬會時

人作亭以表之

坐笑亭在府治內宋時建司諫韓璜有記

維崧堂在府治內宋天禧

中王益爲軍判官其子安石生于此後人因名其堂曰維崧

富壽堂在府治宋建因富壽

岡爲名

靜治堂在府治宋建

五賢堂在府治講堂西五賢宋劉敞劉攽孔文仲孔武

仲孔平仲

讀書堂有三一在縣西一十五里晉豫章吳猛能以白羽扇畫江而渡嘗過此

喜其山水之勝建堂讀書故今城西門曰望仙門一在府城內唐宜春人盧肇讀書于此一在

閤阜山南唐宋齊丘讀書處又有藏書岩在焉

近江樓在府江濱皇華驛左寶祐癸丑知

軍魏廷玉通判黃洪建爲朱文公祠堂樓名近江以公詩有征驂聊駐近江樓之句也

一

覽樓在府治圃中圃有清江臺臺上有樓名曰一覽宋建

橫舟閣在府治其在倅廳有槐

風桂月二閣在判官廳有冰壺閣皆宋時所建

經史閣在舊府學內宋侍郎向子諲建以

藏經史者前祀二劉三孔教授宋翔增祀向公爲六賢祠

宋神宗宸翰蕭學士門書登金

門上玉堂攀龍鱗附鳳翼十二大字賜之後徙至敬一亭今藏縣庫

蘇東坡書金剛經在

慧力寺明移府二門內僅存其半

岳武穆遺碑宋紹興中武穆征虔師駐河隄伏魔寺有

詩親書刻石置寺寺僧覆以亭周謨有記後江水嚙岸寺遷碑亦隨之明嘉靖間改建名新修

寺 韓世忠碑相傳修城隍廟得之今豎廟門左宋高宗以世忠出師功特賜淦田手書旌

之世忠孫有賜田記

新淦縣

石陽城在縣東南五十里東漢置縣屬豫章郡晉屬廬陵郡隋省入新淦 巴丘城在縣南

八十里峽江東漢末置縣晉屬廬陵郡隋省入新淦 都制置城卽縣治所吳楊行密得吉

圖處用嚴可求之策以新淦爲治所置兵城守宋初樊知古奏廢焉 泥溪城在縣南四十

里漚江接南史周文郁傳廣州刺史蕭勃舉兵踰嶺又遣別將歐陽頎屯兵苦竹灘入泥溪作

城自守文郁遣周鍊虎襲頎擒之 監軍城在縣西一十里地名城口楊吳建都制置使於

新淦又渡江而西置監軍營故築此城宋紹定間廢 雙秀亭在縣宋時鄧氏二子長曰佑

擢童科季曰枯登三禮科築亭江上扁曰雙秀 湧月亭宋時建 黃蘗館在縣西唐權

德輿有奉使宜春夜渡新淦江陸路至黃蘗館遇雨詩

讀書堂有二一在縣治東相傳爲

晉陶侃讀書處一在縣治西相傳爲唐狀元盧肇讀書處

戲魚臺在縣治東東山寺前宋

劉次莊謫居臨江卜築東山下鑿池其前因名堂曰戲魚自號戲魚翁嘗自摹淳化帖十卷刻石置堂中時稱爲戲魚堂帖

峽江縣

烟雲臺在縣西三十里梅子真煉丹處有朱熹范梈詩

魏夫人壇在仙姑嶺上相傳南嶽

夫人嘗治于此宋黃庭堅有詩

九仙臺在玉笥山黃庭堅詩九真承詔上龍湖盡是驪山

所送徒惟有鄧公留不去松根搗鼎煮菖蒲

孔丘明宅在玉笥山秦孔丘明奉母學道于

此梅福宅在玉笥山福漢人嘗學道于此

練子寧宅在縣東善政鄉三洲淦峽二志

俱載其宅墳羅念庵自靖祀記謂先本新淦東山人至父伯尙遷三洲是生公比及第復居淦

城是也

新喻縣

龍池聖城在縣南三里本新喻故城唐因水患遷今治 吳州城在縣北四十里唐初析新

喻置吳州以距村爲州治尋廢爲新喻縣後遷縣治龍池聖城遂廢 廢廣豐城在縣北八

十里唐武德中所置尋廢省入新喻縣治內 廢吳平縣在縣東一百里東漢末置漢平縣

屬豫章郡吳改曰吳平隋廢入宜春縣 廢治平縣在縣北八十里唐武德年間置尋廢

鍾山府城在虎瞰山隋大業初置尋廢唐天授初又移臨梁館於錦鍾山府之舊地今爲縣學

竹陂在縣南宋謝諤居此名其燕坐曰艮齋人稱爲艮齋先生又有桂山堂周必大楊萬里皆

有詩 兩書亭在縣學西宋朱熹守長沙道經于此與謝諤會時人作亭表之 秀江亭

在縣南濱江宋隱者吳叔元建黃庭堅嘗訪之 綠陰亭在縣學俯瞰袁江 美俗堂在

縣治宋建 萬安館在縣東六十里卽今萬安鋪朱熹寓此有詩 五浪館遺址在縣西

南三十里五浪灘側 臨梁館在鍾山 李處士水閣在縣治西宋李諮建 文昌閣

在縣東南一名采芹閣 集雅樓在縣治東宋王安石子雱嘗館于是樓藏書萬卷名曰集

雅

墳墓附

本府

清江縣附郭

漢馮將軍墓在郡城東北三十里封漢將軍名友廟在清江鎮新淦人

施侯墓在府署譙

樓門內古志云施三十郎徙所居爲縣治沒而葬此年代莫詳

馬夫人墓相傳在郡圃中

年代莫詳

三國吳毛玠墓在城西風義堡進士陳京于圃中掘得斷碑有毛玠之墓四字

五代蕭女墓在縣西二十里舊志以爲梁武帝嘗至此有女死鑄金爲婿合葬人發掘則虎蛇暴集嘗有牛衣兒因暴雨止此見其墓上爛然如金有靈飛出兒因拾十數納於懷忽聞雷聲

靈遂失

宋彭侍郎墓在縣南二十里許地名金井坑

明張九韶墓在縣西三里韶該

博經史元季累舉不第明洪武初累官翰林編修

新淦縣

秦孔母墓在縣南八十里相傳秦孔明奉母學道于玉笥山卒葬此焉

陳黃將軍墓在迎

春門外名法甌梁承聖元年領淦令

蘇令墓在秋山相傳永定中蘇爲巴丘令歿葬于此

嶽陽王墓在縣南六十里舊載王陳高祖第十六子貞明二年臺城陷被害唐武德中子嵩爲

吉州別駕遷葬于此 唐樂令墓龍紀二年任墓在縣東南十里 南唐丞相齊丘墓在

縣東北板埠 宋曾龍圖墓學士名三聘在二都郎中岡 何狀元墓在三都泥江下弦

地公名昌言刑部侍郎何正臣之姪登紹興四年丁丑榜仕至工部侍郎 元郎君墓在三

十三都劉大芳之後同居十三世族衆千烟因元寇淦殲衆三百餘人聚塚葬之 明金幼

孜墓在縣南八十里 練子寧祖墓與何家山鄰子寧祖隴及母郭夫人墳皆在焉 陳

尙書墓工部尙書名壽諡簡襄賜葬在新淦南三十里名大路 孫都御史墓名仁在縣南

朱都御史墓名孟震在縣北紅沙塘 胡大理墓名叔廉有御製祭文 黃給諫墓名仁

山在治西 吳副使墓名達號雲泉與羅太守洪先相友善葬鋸源 周學使墓名謨號

虛白天順進士累官陝西副使

峽江縣

三國吳周瑜墓在巴丘 游將軍墓在城北游墓嶺上 明金文靖墓在暮膳山 高